

Nkore - Okujuna Ebyahandiikirwe - Salvation Scriptures

AbaEfeso 2:2 Ebibi ebyo nibyo mwabaire mugyenderamu, nimukuratira emitwarize mibi y'ensi egi; kandi nimutegyelekwa mukama w'emitima ey'omu kaabunga. Nigwo mutima hati ogurikukorera omu barikugomera Ruhanga.

Matayo 6:10 obukama bwawe bwije; ebi okunda bikorwe omu nsi, nk'oku bikorwa omu iguru.

Luka 22:42 Taata, ku oraabe nookisiima, onyiheho eki kikopo! Kwonka ti nkaanye oku ndikwenda, kureka eki orikwenda kibe nikyo kyakorwa.

Yohaana 16:7-9 Nobu kiraabe kiri kityo, kwonka ka mbagambire amazima; okugyenda kwangye niimwe kuraagasire; manya ku ndaabe ntagyenzire, Omuhwezi ogwo tariija hariimwe; kwonka ku ndaagyende, ndyamubooherereza. 8 Nawe ku ariija aryashinja abantu b'omu nsi aha bikwatiraine n'ekibi, n'okuhikiirira, kandi n'orubanja. 9 Aha bikwatiraine n'ekibi, ahabw'okuba tibaraanyikiriize;

2 Timoteeho 2:10 N'ahabw'ekyo niinyemera byona ahabw'abatoorainwe, ngu nabo babone kutunga okujunwa n'ekitiinwa ekitahwaho ebiri omuri Kristo Yesu.

AbaRooma 15:20,21 Ekyo kikanteera omuhimbo kurangirira Amakuru Marungi omu myanya ei eiziina rya Kristo ryabaire ritakarangiriirwemu, ngu ntakaayombeka aha musingi gw'ondijo, 21 kureka ngu kibe nk'oku kyahandiikirwe kiti: Aryareebwa abatakamugambirwahoga, n'abatakamuhurirahoga baryamwetegyereza.

Entumwa 2:36,37 N'ahabw'ekyo ab'enju ya Israeli boona bamanyire kimwe ku Yesu ogwo ou mwabambre, Ruhanga yaamuhindwire Mukama kandi Kristo. 37 Ku baahuriire ekyo, baayomeserezibwa omu mutima, baagira Petero n'entumwa ezindi bat: Beene waitu, tugire tuta?

AbaHeburaayo 4:2 Ahabw'okuba naitwe Amakuru Marungi gakatuhikaho, nkabo oku gaabahikireho. Kwonka obutumwa obu baahuriire tibwine ki bwabagasiire, ahabw'okuba abaabuhuriire bakashangwa bataine kwikiriza.

Yeremiya 24:7 - Matayo 22:37 Nawe yaamugarukamu ati: Kunda Mukama Ruhanga waawe n'omutima gwawe gwona n'amagara gaawe goona n'obwengye bwawe bwona.

Entumwa 16:14 Omuri abo bakazi hakaba harimu orikwetwa Ludiya, omukazi oramya Ruhanga, owaarugire omu kivorero kya Tiyatira, omutunzi w'emeyenda ya bujwa. Akatutega okutu, Mukama yaashashaanura omutima gwe, yaikiriza ebi Paulo yaagambire.

Matayo 13:14-16 Buzimazima ekyo nikihikiiriza omuribo eki Isaaya yaarangire naagira ati: Okuhurira kwo muryahurira, kwonka timurishoboorokyerwa; okureeba kwo muryareeba, kwonka timuryetegyereza. 15 Ahabw'okuba emitima y'ab'eihanga eri ebaire ebitsire, amatu gaabo nigahurira kubi, n'amaisho gaabo bagahumiize, ngu batakaahwezesago maisho gaabo, bakahuriza amatu gaabo, bakeetegyerezeza emitima yaabo, bakampindukira, nkabakiza. 16 Kwonka imwe muhiiriirwe ahabw'okuba amaisho gaanyu nigareeba, n'amatu gaanyu nigahurira.

Isaaya 6:9,10 - Entumwa 28:27 Ahabw'okuba emitima y'ab'eihanga eri ebaire ebitsire, amatu gaabo nigahurira kubi, n'amaisho gaabo bagahumiize, ngu batakaareebesa ago maisho gaabo, bakahuriza amatu gaabo, bakeetegyerezesa emitima yaabo, bakampindukira, nkabakiza.

Mariko 4:11,12 Yaabagira ati: Manya imwe mukaatirwa eibanga ry'obukama bwa Ruhanga, kwonka ab'aheeru byona babigambirwa omu nfumu, 12 ngu okureeba kwo bareebe, kwonka bateetegyereza; n'okuhurikiza kwo bahurikize, kwonka batashoboorokyerwa, ngu batakaahinduka bakasaasirwa.

Yohaana 12:39,40 Eki bataraikiririize n'ahabw'okuba Isaaya akagaruka yaagira ati: 40 Akabahumya amaisho, yaabagangaaza emitima, ngu amaisho gaabo gatakaareeba, n'emitima yaabo etakaayetegyereza, ngu batakaayegarukamu, nkabakiza.

AbaRooma 11:7,8 Mbwenu shi tugire tuta? Manya Abaisraeli tibaratungire ki baabaire nibenda. Abatoorainwe bo bakakitunga, kwonka abandi emitima yaabo yaagangaazibwa, 8 nk'oku kyahandiikirwe kit: Ruhanga akabaha emitima ehugire, amaisho gatarikureeba, n'amatu gatarikuhurira n'okuhitsya eri izooba.

2 AbaTesalonika 2:10,11 Reero abariba bari ab'okuhwerekyerera, ahabw'okwanga kukunda amazima bakajunwa, baryahabisibwa kubi.

11 Nikyo Ruhanga arivoherereza ekirikuhabisa eky'amaani, ngu

baikirize eby'ebishuba.

Matayo 13:18-23 Nimuhurile nu eby'enfumu y'omubibi. 19 Omuntu weena ku ahurira ekigambo ky'obukama bwa Ruhanga ataakishoboorokyerwa, mpaho omubi aija ashahura ekyabibwa omu mutima gwe; ezo nizo mbibo ezaabibirwe aha rubaju rw'omuhanda. 20 Ezaabibirwe aha itaka ry'aha rukiri, niwe ogwo ohurira ekigambo, akakiikiriza ahonaaho ashemereirwe; 21 nobu aba ataine mizi, ayehangaana akaanya kakye; kwonka ku habaho enaku nari okuhiiganisibwa ahabw'ekyo kigambo, ahonaaho agwera kimwe. 22 Ezaabibirwe omu mahwa, niwe ogwo ohurira ekigambo, kwonka okwemerereza omutima eby'ensi n'ebinuriirizi by'obutungi kunyuruza ekyo kigambo, kibura kwana. 23 Ezaabibirwe aha itaka erirungi, niwe ogwo ohurira ekigambo, akakyetegyereza; haza akaana ebyana, omwe igana, ondi makumi mukaaga, n'ondi makumi ashatu.

2 AbaKorinto 3:15,16 N'ekya buzima na hati ebya Musa ku bishomwa, eky'okwesangiza kiguma kishwekire emitima yaabo. 16 Kwonka omuntu ku ahindukira Mukama, ekyo ky'okwesangiza kirugaho.

Hoseya 11:3-7 - Matayo 11:28-30 Yaimwe abaruhire n'abaremereirwe, nimwije ahariinye, mbaruhuure. 29 Mwekorere omugamba gwangye, muunyegyereho; ahabw'okuba nintwaza gye, haza ndi omucureezi omu mutima; nibwo muraatungire amagara gaanyu ekihuumuro. 30 Ahabw'okuba omugamba gwangye gwanguhi, n'omutwaro gwangye tigurikuremeera.

Entumwa 26:18 Obahumuure, barugye omu mwirimma, baze omu mushana, baimuure Sitaane, beehongyere Ruhanga, kandi ahabw'okuunyikiriza basaasirwe ebibi byabo, batungye omugabo hamwe n'abeeziibwe.

2 Timoteeho 2:24-26 Haza omuheereza wa Mukama tashemereire kuba entongani kureka okugirira buri muntu embabazi, ari omwegyesa w'engoga, orikugumisiriza, 25 kandi orikuhana n'obucureezi abarikumuhakanisa, ngu shana Ruhanga akaabaha okwegrakamu, bamanya amazima, 26 babona kuruga omu mutego gwa Sitaane, ogu abakwatiise kubakoresa ebi arikwenda.

Shuurwirwe 3:17-19 Manya noogira oti: Ndi omutungi, ngogyeire, tiinyine ki nkyenire. Haza kunu otarikumanya ku ori omunaku, ow'okugirirwa esaasi, omworo, empumi kandi ojwaire busha. 18 N'ahabw'ekyo ninkuhabura ku onguraho ezaabu eshemeziibwe omuriro, obone kuba omutungi; kandi n'ebijwaro ebirikwera

eby'okukujweka, obone kutaitwa nshoni z'okureebwa ojwaire busha. Ongureho n'omubazi gw'okuta omu maisho, obone kureeba. 19 Abu nkunda mbateisa, kandi mbahana. Mbwenu gira omuhimbo, oyegarukyemu.

2 AbaKorinto 7:10 Ahabw'okuba okugira obusaasi nk'oku Ruhanga asiima, kureeta okwelogakamu okuhitsya aha kujunwa, kandi tikwefuuzisa; kwonka okugira obusaasi nk'okw'ab'ensi, kurugwamu okufa.

1 Abagabe 18:37 - Ruhanga turn heart back to Ruhanga

2 AbaKorinto 4:4 Nibo abo abataikiriza, abu ruhanga w'ensi egi yaarindagiize omutima, akababuza kureeba omushana gw'Amakuru Marungi ag'ekitiinwa kya Kristo, oba ekyeshusha kya Ruhanga.

Luka 8:11-15 Mbwenu aga nigo makuru g'egyo nfumu. Embibo nikyo kigambo kya Ruhanga. 12 Ezaaragaire aha rubaju rw'omuhanda nibo bantu abakihurira, Sitaane akaija, akaiha ekyo kigambo omu mitima yaabo, ngu barekye kwikiriza bakajunwa. 13 Ezaabibirwe aha rukiri nibo bantu abahurira ekyo kigambo, bakakiikiriza bashemereirwe; kwonka ahabw'okutagira mizi bakiikiriza akaanya kakye, bwanyima ku boohibwa, bagwa. 14 Ezaagwire omu mahwa nibo bantu abakihurira, kwonka omu magara gaabo bakanyuruzibwa okwemereza omutima n'ebi'obutungi n'ebi'amashemererwa g'amagara aga, haza bakabura kukagata omu mutima. 15 Reero ezaagwire omu itaka rirungi nibo bantu abahurira ekyo kigambo, bakakigumya omu mutima murungi kandi ogw'amazima, haza ahabw'okugumisiriza bakaana ebyana.

Entumwa 15:11 Manya itwe twikiriza ngu tujunwa ahabw'embabazi za Mukama Yesu nkabo.

AbaRooma 8:13 ahabw'okuba ku murikukuratira eby'omubiri muryafa; kwonka Mutima ku arikubahwera, mwaita ebi omubiri gukora, muryaba abahuriire.